



SURAT EDARAN PENTADBIRAN
BILANGAN 4 TAHUN 2024

KENAIKAN KADAR PEMBIAYAAN
RAWATAN KLINIK PANEL DI
UNIVERSITI TEKNIKAL MALAYSIA MELAKA

Pejabat Pendaftar

31 Januari 2024 | 19 Rejab 1445H

Disalinkan kepada:

Naib Canselor

Timbalan Naib Canselor (Akademik dan Antarabangsa)

Timbalan Naib Canselor (Penyelidikan dan Inovasi)

Timbalan Naib Canselor (Hal Ehwal Pelajar dan Alumni)

Pegawai-Pegawai Kanan

YDP Majlis Perwakilan Pelajar

UNIVERSITI TEKNIKAL MALAYSIA MELAKA

UTEM100-1/3/3 (56)

31 JANUARI 2024
19 REJAB 1445H

SURAT EDARAN PENTADBIRAN BIL. 4/2024

KENAIKAN KADAR PEMBIAYAAN RAWATAN KLINIK PANEL DI UNIVERSITI TEKNIKAL MALAYSIA MELAKA

1.0 TUJUAN

Surat Edaran Pentadbiran ini dikeluarkan bertujuan untuk memaklumkan kepada semua staf Universiti Teknikal Malaysia Melaka (UTeM) berkenaan Kenaikan Kadar Pembiayaan Rawatan Klinik Panel di Universiti Teknikal Malaysia Melaka.

2.0 LATAR BELAKANG

- 2.1 Universiti melalui Mesyuarat Lembaga Pengarah Universiti Bilangan 3 Tahun 2001 telah meluluskan Skim Perkhidmatan Perubatan Staf Kolej Universiti Teknikal Kebangsaan Malaysia (KUTKM) bagi menetapkan kadar pembiayaan rawatan klinik panel sebanyak RM50.00 untuk setiap rawatan.
- 2.2 Namun selaras dengan perubahan perkembangan ekonomi semasa, Pengurusan Universiti melalui Mesyuarat Lembaga Pengarah Universiti Bilangan 1 Tahun 2024 yang bertarikh 18 Januari 2024 telah bersetuju untuk meluluskan kenaikan kadar pembiayaan rawatan klinik panel yang baharu.

3.0 PELAKSANAAN

- 3.1 Caj rawatan maksimum pesakit luar bagi staf dan tanggungan di Klinik Panel Universiti adalah sehingga RM80.00 sekali rawatan untuk setiap individu.
- 3.2 Selain itu, kadar siling tahunan isi rumah ditetapkan pada RM1,200.00 dan semakan semula akan diselaraskan selepas tempoh enam (6) bulan pelaksanaan.

- 3.3 Sebarang caj yang melebihi had perbelanjaan rawatan untuk setiap individu dan had kadar siling tahunan isi rumah hendaklah ditanggung oleh staf sendiri dan sekiranya perlu, potongan gaji akan dibuat.

4.0 PEMBATALAN

- 4.1 Surat Edaran Pentadbiran ini membatalkan Perenggan 3.1.4, Bahagian E, Lampiran A - Edisi 2021 Penambahbaikan Kemudahan Perubatan Staf dan Pesara UTeM di dalam Pekeliling Pentadbiran Bilangan 15 Tahun 2021.

5.0 TARIKH KUAT KUASA

- 5.1 Surat Edaran Pentadbiran ini berkuat kuasa mulai **18 Januari 2024**.


Sekian, terima kasih.

“MALAYSIA MADANI”

“BERKHIDMAT UNTUK NEGARA”

“KOMPETENSI TERAS KEGEMILANGAN”

Saya yang menjalankan amanah,



SITI NORANI BINTI DOLAH
Timbalan Pendaftar Kanan
Menjalankan Tugas
Ketua Pegawai Operasi
Universiti Teknikal Malaysia Melaka